

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqqutit:

1. Uummannami eqqagassat isumagineqannginnerat pissutigalugu niviugarpassuit inunnut ajornartorsiutaalersut qaangerniarlugit, eqqagassat ikuallanneqarnissaat siunertaralugu Naalackersuisut akuersissummik tunisissamaarpat?
2. Suna pissutigalugu maannamut akuersissummik tunniussiumasoqartanngila, nalunagu ikuallaavitsigut aaqqiissuteqarsimaneq naammaginangereersoq?
3. Pisariaqartutigut ikuallaasarnissaq siunissami Naalackersuisunut qinnuteqaatigineqartariaqarnera attanniarneqarpa aamma piffissap aalajangersimasup iluani akuersissutitaqanngitsumik ikuallaasarnikkut ingerlatsisoqarallartoqarsinnaava?
 - a. Ajornassappat suna tunngavilersuutigalugu?
 - b. Akuersissutitaqanngikkallartumik ingerlatsigallarsinnaaneq qanoq sivilutigitsumik Naalackersuisut attanneqarsinnaasoraat?

(Inatsisartunut Ilaasortaq Jens Kristian Therkelsen, Siumut)

Tunngavilersuut:

Ukiuni kingullerni annertusiartuinnartumik Uummannami niviugarpassuaqalerpoq, taakkulu amerliartuinnaramik innuttaasunut ajornartorsiutinngorput. Ajornartorsiutip sorlaqarfigaa eqqaavissuaq piffissami siviloorujussuarmi ikinneqarneq ajornat, taamaasilluni niviugarpassuaqalerneranik kinguneqarluni.

Kommunimiit ajornartorsiut ilisimaarineqarpoq suliniuteqarporlu, kisianni avatangiisinut naalackersuisoqarfimmiit ikinneqarnissaanut akuersissummik tuniumaartaarneqartarneq piuvoq, taamaasillunilu ajornartorsiut alligaluttuinnarpoq.

Allaat Cafe silataani issiaviit nerriviillu maanna toqquinnarneqarput niviukkat ajornartorsiutaavallaaqimmata.

Kissaatigaara piaartumik iliuuseqartoqassasoq Kommune peqatigalugu. Niviukkat bakterissanik siammarterisuummata, aamma nerisassanut quperlussanik siammarteripallattartuummata iliuuseqanngikkutta ajornartorsiut alligaluttuinnartussaavoq.